

Broj: 251/21

Datum: 05.05.2021. godine

Na osnovu člana 1. stav 2., a u skladu sa članom 87. stav 3. članom 70. stav 1., 2. i 3. i 6. Zakona o javnim nabavkama Bosne i Hercegovine («Službeni glasnik BiH» broj: 39/14), a u skladu sa članom 60. stav. 2 tačka 4., Statuta Javnog preduzeća „BIT Centar“ d.o.o. u Tuzli (broj 260/20, od 28.05.2020. godine, Pravilnikom o postupku direktnog sporazuma u JP „BIT Centar“ d.o.o. u Tuzli (broj: 50/15 od 25.02.2015 godine), Izmjenama i dopunama Plana javnih nabavki za 2021 godinu (broj: 221/21 od 30.04.2021. godine), usvojenih od strane Nadzornog odbora JP „BIT Centar“ d.o.o. u Tuzli (broj Odluke: 222/21 od 30.04.2021. godine) i Odlukom o pokretanju postupka javne nabavke usluga putem direktnog sporazuma br: 234/21 od 04.05.2021. godine, Direktor donosi:

### **ODLUKU o direktnom sporazumu**

#### **Član 1.**

Direktni sporazum se zaključuje sa ponuđačem „Đulir Company d.o.o. Tuzla, za nabavku roba pod nazivom: „materijal za higijenu i proizvodi za čišćenje i održavanje prostorija“.

#### **Član 2.**

Ukupna vrijednost roba iz člana 1. ove Odluke iznosi 3.989,80 KM bez PDV-a;

#### **Član 3.**

Ova odluka stupa na snagu danom donošenja i objavit će se na web-stranici [www.bit.ba](http://www.bit.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

#### **Član 4.**

Sa ponuđačem iz člana 1. ove Odluke zaključit će se ugovor.


#### **Obrazloženje**

Postupak javne nabavke za nabavku roba „Nabavka materijala za higijenu i proizvoda za čišćenje i održavanje prostorija“ pokrenut je Odlukom o pokretanju postupka javne nabavke putem direktnog sporazuma br: 234/21 od 04.05.2021. godine, a u skladu sa Izmjenama i dopunama Plana javnih nabavki za 2021 godinu (broj: 221/21 od 30.04.2021. godine), usvojenih od strane Nadzornog odbora JP „BIT Centar“ d.o.o. u Tuzli (broj Odluke: 222/21 od 30.04.2021. godine). Procijenjena vrijednost javne nabavke bez PDV-a bila je 4.000,00 KM bez PDV-a. U skladu sa članom 6. Pravilnika o postupku direktnog sporazuma u JP „BIT Centar“ d.o.o. u Tuzli (broj: 50/15 od 25.02.2015 godine), JP „BIT Centar“ d.o.o. u Tuzli je ispitivalo tržište, te dana 04.05.2021 godine, uputilo poziv za dostavu ponuda na adrese tri firme: „AME Čistoća“ doo Tuzla, „Đulir Company“ d.o.o. Tuzla i „Integritadd Company“ d.o.o. Tuzla.

Dana 05.05.2021. godine lično i blagovremeno na protokol Ugovornog organa pristigle su ponude sve tri ponuđača. Nakon otvaranja i analize ponuda konstatovano je slijedeće: 1) ponuda ponuđača "Integritadd Company" d.o.o. Tuzla broj: 2-2021 od 05.05.2021. godine, zaprimljena kod ugovornog organa pod brojem: 241/21 dana 05.05.2021. godine je blagovremena i potpuna sa aspekta zahtijevane dokumentacije i iznosi 4.574,30 KM bez PDV-a. 2) ponuda ponuđača „Đulir Company" d.o.o. Tuzla broj: 24/2021 od 05.05.2021. godine, zaprimljena kod ugovornog organa pod brojem 243/21 dana 05.05.2021. godine je blagovremena i potpuna sa aspekta zahtijevane dokumentacije i iznosi 3.989,80 KM bez PDV-a, 3) ponuda ponuđača „AME Čistoća" doo Tuzla broj: 33/05-2021 od 05.05.2021. godine, zaprimljena kod ugovornog organa pod brojem 245/21 dana 05.05.2021. godine je blagovremena i iznosi 4.374,40 KM bez PDV-a ali nepotpuna sa aspekta zahtijevane dokumentacije jer ponuđač nije dostavio traženu dokumentaciju iz tačke 7.2. Poziva za dostavu ponuda čime je ocijenjena kao neprihvatljiva.

Imajući u vidu da je ponuđač „Đulir Company" d.o.o. Tuzla dostavio prihvatljivu ponudu sa najnižom ponuđenom cijenom ponude u okviru procijenjene vrijednosti, odlučeno je kao u dispozitivu ove Odluke.

**Pouka o pravnom lijeku:** U postupku direktnog sporazuma nije dozvoljena žalba.



*Robert Martić*  
**DIREKTOR**  
**Mr. Robert Martić, dipl. ecc.**